



OPĆINSKI NAČELNIK

MUNICIPALITY MAYOR

Broj: 05/2-11/3-2407/21
Velika Kladuša, 29.12.2021. godine

Na osnovu člana 69. i 70. Zakona o javnim nabavkama BiH („Službeni glasnik BiH“, broj: 39/14) i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), u predmetu javne nabavke Konkurentski zahtjev za nabavku roba – označavanje ulica i trgova nazivima i objekata brojevima na području općine Velika Kladuša, Općinski načelnik Općine Velika Kladuša, donosi

ODLUKU
o poništenju postupka javne nabavke

1. Poništava se postupak javne nabavke pokrenut Obavještenjem o nabavci broj: 299-7-1-42-3-21/21, objavljenim na stranici Agencije za javne nabavke dana 3.11.2021. godine, tipa konkurentski zahtjev za dostavu ponuda za nabavku roba – označavanje ulica i trgova nazivima i objekata brojevima na području općine Velika Kladuša – nabava i postavljanje adresnih pločica u table, za potrebe Općine Velika Kladuša, broj: 05/2-11/3-2407/21 od 2.11.2021. godine.

2. Ova Odluka objavit će se na službenoj web stranici Općine Velika Kladuša, u skladu sa članom 70. Zakona o javnim Nabavkama BiH („Službeni glasnik BiH“, broj: 39/14).

Obrazloženje

Na osnovu Obavještenja o nabavci, broj: 299-7-1-42-3-21/21, objavljenog na stranici Agencije za javne nabavke dana 3.11.2021. godine, tipa Konkurentski zahtjev za dostavu ponuda za nabavku roba – označavanje ulica i trgova nazivima i objekata brojevima na području općine Velika Kladuša – nabava i postavljanje adresnih pločica u table, za potrebe Općine Velika Kladuša“, broj: 05/2-11/3-2407/21 od 2.11.2021. godine, pokrenut je postupak predmetne javne nabavke.

Tendersku dokumentaciju sa portala Agencije za javne nabavke preuzelo je 10 (deset) ponuđača. Nakon isteka krajnjeg roka za podnošenje ponuda evidentirano je da su pristigle ukupno dvije ponude i to Ponuđača: „BULJAN CESTE“ d.o.o. Kreševo i „TAMPELDO“ d.o.o. Velika Kladuša.

Odlukom o dodjeli Ugovora od 29.11.2021. godine najpovoljnijom je proglašena ponuda „BULJAN CESTE“ d.o.o. Kreševo, na iznos od 23.800,00 KM bez PDV-a, kojem Ponuđaču je i dodijeljen Ugovor.

Podneskom od 13.12.2021. godine navedeni Ponuđač je odustao od svoje ponude, koja je proglašena kao najpovoljnija i to zbog nemogućnosti ispunjenja obaveza usljed povećanja cijena na tržištu.

Ponuda drugorangiranog ponuđača iznosi 40.640,00 KM bez PDV-a, dok je procijenjena vrijednost nabavke 23.800,00 KM bez PDV-a.

Komisija za javne nabavke je u Dopuni Izvještaja od 29.12.2021. godine preporučila Općinskom načelniku poništenje predmetnog postupka javne nabavke zbog toga što je ponuda u opciji iznad planirane Budžetom Općine Velika Kladuša.

S obzirom na vrijednost drugorangirane ponude i njen odnos prema procijenjenoj vrijednosti javne nabavke predviđena tenderskom dokumentacijom te osiguranim sredstvima, ovaj Organ nema uvjete za nastavak postupka javne nabavke.

Članom 69. stav 3. tačka e) određeno je da Ugovorni organ može poništiti postupak javne nabavke samo zbog dokazivih razloga koji su izvan kontrole Ugovornog organa i koji se nisu mogli predvidjeti u vrijeme pokretanja postupka javne nabavke.


U konkretnom slučaju Ugovorni organ se našao u situaciji da je Ponuđač kojem je dodijeljen Ugovor odustao od Ugovora, a drugorangirana ponuda je značajno veća od procijenjene vrijednosti nabavke i osiguranih sredstava. Radi se o dokazivom razlogu izvan kontrole Ugovornog organa, koji se nije mogao predvidjeti u vrijeme pokretanja postupka javne nabavke.

Imajući u vidu da navedeni razlozi za poništenje predstavljaju dokaziv osnov za poništenje postupka javne nabavke, što znači da se javnosti može dati uvjerljivo objašnjenje Organa za poništenje postupka javne nabavke, pozivom na odredbe člana 69. Zakona o javnim nabavkama, odlučeno je kao u dispozitivu ove Odluke.


UPUTA O PRAVNOM LIJEKU: Svaki ponuđač koji ima legitiman interes za konkretan ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci BiH ima pravo uložiti žalbu u roku od 5 dana od dana kada je podnosilac primio Odluku. Žalba se podnosi Ugovornom organu kao prvostepenoj instanci u žalbenom postupku u tri primjerka direktnom predajom kod Ugovornog organa ili preporučenom poštanskom pošiljkom.

Obradivač:

Sanda Šertović, dipl. pravnik



OPĆINSKI NAČELNIK
Fikret Abdić, dipl.ing.



DOSTAVITI:

1. Svim učesnicima postupka,
2. Služba za upravu, društvene djelatnosti i zajedničke poslove (web stranica),
3. U spis,
4. a/a.